
Маънавият фестивали маҳаллаларда давом этмоқда

Учкўприк тумани маҳаллаларида "Халқ Конституцияси билан халқчил давлат сари!" шиори остида ўтказилаётган Маънавият фестивали давом этмоқда.

Тошкент шаҳридан ташриф буюрган илм-фан, маданият, санъат, адабиёт ва бадий ижод вакиллари, маънавият тарғиботчилари туманимиз маҳаллалари бўйлаб аҳоли вакиллари билан учрашмоқда. Улар иштирокида концерт дастурлари, театрлаштирилган томошалар, ижодий учрашувлар бўлиб ўтмоқда.

"Бегобод" маҳалла фуқаролар йиғинидаги 2-сон касб-хунар мактабида ташкилланган маданий-маърифий тадбирда ҳам инсон қадри, ҳақ-ҳуқуқлари, шаъни ҳар нарсадан устун эканлиги, у эса янгиланган Ўзбекистон Республикаси Конституциясида ўз ифодасини топганлиги қайд этилди. Барча 30 апрель куни ўтказиладиган сиёсий тадбир – референдумда фаол қатнашишга чақирилди. Таниқли санъаткорларнинг чиқишлари ва концерт дастури эса тадбир иштирокчиларига кўтаринки кайфият бахш этди.

Мазкур тадбирлар доирасида маҳаллалардаги "Темир дафтар", "Аёллар дафтари" ва "Ёшлар дафтари"га киритилган оилаларнинг ҳолидан хабар олиниши режалаштирилган.

2023-04-01 15:07:53